

V. Relatio super statu
Dioecesis Linciensis
(Austria).

secundum formulam praescriptam in „Acta Apostolicae Sedis”
(vol. X. 1918 pag. 487 sequ.)

Caput I

Generalia de statu materiali personarum et locorum.

1. *Indicet Ordinarius nomen et cognomen suum, aetatem, originis locum, et institutum religiosum, hoc est religionem, si ad aliquam pertineat; quando fuerit consecratus, vel, si Abbas sit, benedictus; quando dioecesis regimen susceperit. Si Episcopum Auxiliarem habeat, an datus sit personae vel dioecesi.*

Idem atque in ultima (IV.) relatione anni 1933.

2. *Breviter exponat quatenam sit origo dioecesis, quatenam eius titulus seu gradus hierarchicus, quae privilegia potiora; si metropolitana sit, an et quas habeat suffraganeas sedes; et quem Ordinarium appellationis iuxta Codicem, can. 1594 § 2, teneat; si vero suffraganea sit, quem Metropolitam habeat; et num apud illum, vel apud alium Antistitem pro conferentiis episcopalibus conveniat; si denique nulli Metropolitae suffragetur, quem Metropolitam pro Concilio provinciali, pro conferentiis et pro iudicio appellationis teneat iuxta cann. 285, 292 et 1594 § 3.*

Idem atque in ultima (IV.) relatione anni 1933.

3. *Dicat praeterea:*

a) *quatenam locus residentiae Ordinarii, cum indicationibus ad epistolas inscribendas necessariis;*

b) *quatenam amplitudo dioecesis, ditio civilis, caeli temperies, lingua;*

c) *quatenam summa incolarum et praecipua oppida; quot inter incolas sint catholici; si autem varii adsint ritus, quot catholici in singulis, et si acatholici inveniantur, quot sint, et in quales sectas dividantur;*

d) *qui numerus sacerdotum saecularium, clericorum et alumnorum seminarii;*

e) *utrum adsit Capitulum cathedrale, an potius coetus consultorum dioecesanorum; an adsint alia Capitula, vel sacerdotum coetus instar Capitulorum, seu Communiae, et quot;*

f) *in quot vicariatus foraneos, decanatus, archipresbyteratus aliasve circumscriptiones dioecesis divisa sit; quot sint paroeciae, cum numero fidelium earum quae maximae vel minimae sunt; an adsint paroeciae per linguas seu nationes distinctae, et an per familias et non territorio divisae, et quo iure; quot aliae ecclesiae vel oratoria publica adsint; sitne sacer aliquis locus celeberrimus, et qualis, cann. 216, 217;*

g) *utrum et quatenam religiones virorum habeantur, cum numero domorum et religiosorum sacerdotum;*

h) *utrum et quatenam religiones mulierum, cum numero domorum et religiosarum.*

Ad a) et b) idem.

Ad c) idem. Numerus catholicorum 868,000. Sectae auctae sunt aliquibus novis varia nomina gerentibus.

Ad d) numerus sacerdotum saecularium 721, clericorum et alumnorum Seminarii (majoris) 176.

Ad e) idem.

Ad f) idem. Ecclesiae vel oratoria publica (praeter ecclesias parochiales) in universa dioecesi numerantur 637

Ad g) et h) vide elenchum heic adjectum.

Caput II.

De administratione temporalium bonorum, de inventariis et archivis.

4. *An et quomodo iuxta civiles loci leges, facultas possidendi, acquirendi et administrandi, quae ecclesiae propria est, sarta tectaue sit; an potius coarctata; et si ita sit, quaenam sit conditio cleri et ecclesiarum.*

5. *An institutum sit penes Curiam Consilium administrationis et quibusnam constet; et num Episcopus in administrativis actibus maioris momenti illud audierit iuxta praescripta can. 1520.*

6. *An administratores particulares, sive ecclesiastici sive saeculares, cuiusvis ecclesiae etiam cathedralis, aut loci pii canonice erecti, aut confraternitatum, reddant quotannis Ordinario rationem suae administrationis. Can. 1525.*

7. *An servata sint praescripta can. 1523 circa modum administrationis, et confectionem librorum accepti et expensi; can. 1526 de non inchoandis litibus sine Ordinarii scripta licentia; can. 1527 de abstinendo ab actibus Ordinariam administrationem excedentibus; et can. 1544 seqq. circa congruam dotem, tabulas piarum foundationum, aliaque.*

8. *An qui bona fiduciaria ad pias causas acceperint, servant quae can. 1516 statuit, praesertim circa rationem Ordinario reddendam.*

9. *In venditione, oppignoratione, permutatione, locatione et emphyteusi bonorum servataene sint fideliter ab omnibus normae cann. 1530-1533, 1538-1542; et si non, quae remedia adhibita. Praecipua quae acta sunt his de rebus negotia referantur.*

10. *Circa decimarum et primitiarum solutionem serventurne laudabiles consuetudines, praecavendo tamen a dura exactione. Can. 1502.*

11. *Circa oblationes in commodum paroeciae et missionis serventurne praescripta can. 1182 de earum administratione et ratione Ordinario reddenda; et collectores abstineantne a vexatoria et odiosa requisitione.*

12. *Circa missarum stipem quomodo serventur quae can. 831 praescribit de taxa synodali; quae can. 835 de non colligendis a sacerdotibus missis, quibus intra annum ipsi satisfacere nequeant; quae can. 841 de transmissione ad Ordinarium missarum exuberantium; quae cann. 843 et 844 de libro tam personali quam ecclesiarum proprio pro missis adnotandis.*

13. *An inventaria immobilium, mobilium et sacrae suppellectilis uniuscuiusque ecclesiae, parochiarum, capitulorum, confraternitatum aliorumque piorum locorum, quae canonice erecta sint, confecta in duplici exemplari, alio pro pio opere, alio pro Curia episcopali, habeantur iuxta cann. 1296, 1522. Cautumne sit, et quomodo, ne morte rectoris ecclesiae, aut superioris pii operis, mobilia et suppellectilia disperdantur aut subtrahantur. Cann. 1296, 1300-1302.*

14. *An Episcopus archivum habeat ad tramitem cann. 375-378 erectum et custoditum et cum documentis et libris de quibus in cann. 470 § 3, 1010, 1047, 1107; a quo tempore documenta incipiant, et an pergamenae et incunabula habeantur; catalogine confecti sint; an aliud quoque secretum archivum, vel saltem armarium obseratum, in qua scripturae secretae custodiantur, servatis regulis cann. 379-380.*

15. *An ecclesia cathedralis, collegiatae, paroeciales, confraternitates et pia loca canonice erecta sua quoque archiva detineant, cum documentis cuicumque piae causae propriis, cum inventariis mobilium et immobilium et cum catalogo omnium documentorum; et exemplar eiusdem catalogi exhibitumne fuit Curiae episcopali, et in archivo Curiae repositum iuxta can. 383.*

4–15 idem. Nonnullae conditiones mutatae sunt Concordato Austriaco de dato 5. Junii 1933 (Acta Apost. Sedis vol. XXVI. N. 7).

Caput III.

De fide et cultu divino.

16. *Utrum graves errores contra fidem serpent inter dioecesis fideles; vel aliqua praxis superstitiosa aut ab institutis catholicis aliena in dioecesi vigeat; an modernismi, theosophismi, spiritismi lues dioecesim infestet, et an aliqui e clero eisdem erroribus infecti sint. Quatenam huius mali fuerit, vel adhuc sit causa.*

Adsitne consilium a vigilantia, quot personis constet, et quo fructu munera sua expleat.

An professio fidei cum iuramento antimodernistico exigatur, et ab omnibus ad quos spectat fideliter praestetur iuxta can. 1406 et decretum S. Officii 22 Martii 1918.

Idem atque antea. Publici errores contra fidem, prius a „liberis-cogitatoribus” et socialistis sparsim et naviter defensi et propagati, nunc suppressis dictis sectis, non amplius palam propagantur, sed solummodo clam apud quosdam asseclas serpunt.

Assciatio sic dicta „Schlaraffia” responso S. Sedis ad episcopos Austriae dato, saltem ex parte diminuta est, fidelibus edoctis circa ejus pericula et dissonantiam a fide et disciplina catholica.

17. *Utrum divinus cultus libere exerceatur; sin minus, unde obstacula proveniant: a civilibusne legibus, an ab hostilitate perversorum hominum, vel ab alia causa; quatenam ratio suppetat ad ea amovenda et num adhibeatur.*

Idem.

18. *An ecclesiae iura circa coemeteria sarta tectaue sint et canonicae de his leges servari possint et servantur. Cann. 1205 seqq.*

Lex ecclesiastica de corporibus defunctorum ante sepulturam ad ecclesiam deferendis generaliter observatur; sed in nonnullis regionibus et ecclesiis obstant difficultates locales et obstacula vix superanda.

19. *Utrum in cultu divino, in sanctorum, sacrarum imaginum et reliquiarum veneratione; in sacramentorum administratione necnon in sacris functionibus, sive quoad ritus sive quoad linguam et cantum, leges canonicae ac liturgicae servantur. An in his, et quatenam, irrepererint singulares consuetudines; sitne cura ut prudenter submoveantur, an potius tolerantur, et quatenam de causa. Can. 731 seqq.; can. 1255 seqq. Adsintne in ecclesiis picturae, statuae aliaque a sanctitate loci aliena, vel minus consona liturgicis legibus; et quid fiat ut amoveantur. Arceanturne semper a domo Dei profani conventus et nundinae etiam ad pias causas. Can. 1178.*

Idem. Ultimis annis „cultus sic dictus liturgicus” quasdam formas subjectivas et a traditione ecclesiastica alienas prae se ferre incoepit, sed decreto Episcopi ad normam ecclesiasticam redactus fuit. Periculum dicti cultus liturgici praesertim a consociatione „Neuland” irrepsit, quae tamen consociatio decreto Episcopi pariter repressa fuit.

Etiam „ars moderna” in quibusdam casibus novas formas minus ecclesiasticas introducere satigit, sed censura officiali cohibita fuit. Quoad cetera idem.

20. *Utrum numerus ecclesiarum in singulis oppidis vel paroeciis fidelium necessitati sufficiat.*

21. *An generatim ecclesiae mundaе sint, decenter ornatae et suppellectili sufficienti instructae. Adsintne egentes, squalidae, fatiscientes, et an et quid agatur ut reficiantur.*

Recenseantur ecclesiae, si adsint, structurae arte, picturis aut pretiosa suppellectili insignes: et dicatur num congrua de his omnibus cura adhibeatur.

20. et 21 idem.

22. *An ingressus in ecclesias, dum sacra aguntur, sit, prout debet, prorsus absolute semperque gratuitus. Can. 1181.*

Affirmative. In duabus ecclesiis expensis pro restauranda arte gravatis, non dum sacra aguntur, sed dum ab amatoribus artis et a peregrinis visuntur, exigua contributio pro debitis solvendis exigitur.

23. *An ecclesiae rite custodiantur ne furtis et profanationibus obnoxiae fiant, et eae in quibus SS. Eucharistia asservatur, praesertim paroeciales, quotidie per aliquot horas fidelibus pateant iuxta can. 1266. Quomodo observentur: cann. 1267 et 1268 circa custodiam SSmi Sacramenti in uno tantum loco et altari; et circa decorem et ornamentum praecellentissimum altaris eiusdem; can. 1269 circa tabernaculi statum; can. 1271 circa lumen coram SSmo. Idem.*

Caput IV.

De iis quae ad Ordinarium pertinent.

24. *Indicet Ordinarius quibus redditibus ipse qua talis fruatur, sive sint ex bonis immobilibus, ex publico foenore vel aerario, ex incertis Curiae, ex dioecesis contributione, sive ex aliis causis: et an sibi sufficientes sint; qualem domum episcopalem inhabitet, et cum quibusnam convivat: an et quale cathedraicum exigat iuxta can. 1504; an et quales alias exactiones forte imposuerit iuxta cann. 1505, 1506; utrum aliquo aere alieno sive qua Ordinarius, sive qua persona privata gravetur; et qua ratione eius extinctioni consulat.*

Idem. Conditiones oeconomicae ultimis annis melioratae sunt ita ut etiam conditiones materiales Episcopi et Curiae dioecesanae sensim meliores fieri inceperint.

25. *An episcopales aedes et bona mensae sive mobilia sive immobilia, accurato inventario confecto, curaverit iuxta praescripta cann. 1483, 1299 § 3 et 1301.*

26. *An in ultima sedis vacatione praeter Vicarium Capitularem oeconomus quoque constitutus fuerit pro mensae bonis et res bene gestae fuerint iuxta cann 432, 433.*

25. 26. idem.

27. *Quomodo residentiae legi satisficiat; qua frequentia pontificalia peragat, conciones habeat et pastoralibus litteris clerum et populum instruat; quomodo caveat ut ecclesiasticae leges notae fiant, et ut ab omnibus fideliter serventur. Can. 336.*

Idem. Anno 1935 per 18 dies Romae et in Italia degi, quovis anno per 3 fere hebdomadas in vacantiis fui, cetero tempore intra dioecesim commoratus fui.

28. *Qua frequentia sacramentum confirmationis administret; et quomodo provideat, si ipse per se omnium necessitatibus consulere nequeat. Serventur in huius sacramenti collatione regulae de aetate confirmandorum et de patrinis.*

Idem. Communi consilio Episcoporum Austriae fideles edocti fuerunt, ut parvulos quantocius post primam S. Communionem, imo si fieri potest eodem anno pro confirmatione praesentent. Pro casu infirmitatis Episcopi facultatem expetii et obtinui, ut Vicarius Generalis S. Confirmationis sacramentum administrare valeat.

29. *Quot in quinquennio sive per se sive per alium ad sacros ordines promoverit. Et an servaverit leges de non promovendis:*

a) *qui necessarii non sint vel utiles iuxta can. 969;*

b) *qui saltem integrum theologiae curriculum in seminario non peregerint. Can. 972 § 1.*

An numerus ordinatorum par fuerit necessitati dioecesis. An aliquem incardinaverit, qua de causa, et num iuxta legem can. 111 seqq.

In ultimo quinquennio (1933- 1937 incl.) 54 sacerdotes saeculares pro mea dioecesi ordinavi, qui omnes necessarii imo vix sufficientes fuerunt et integrum theologiae curriculum in seminario peregerunt. Nullus incardinatus fuit.

30. *An servatae sint regulae can. 877 seqq. in concedenda facultate vel licentia sacramentales confessiones audiendi; et can. 893 seqq. circa casus reservatos.*

31. *Circa sacram praedicationem, an consuluerit ut iuxta Const. S. P. Benedicti XV et normas a S. C. Consistoriali datas die 28 Iunii 1917 omnia rite procederent; ac maxime ut servarentur praescripta can. 1340 seqq. circa licentiam concedendam et can. 1347 circa modum et argumentum concionandi. An curaverit ut votum a can. 1345 expressum de brevi aliqua homilia in omnibus missis festivis habenda sensim ad effectum ducatur.*

32. *An et quo fructu avertere pro viribus studuerit fideles a nuptiis cum acatholicis, infidelibus, aut impiis iuxta cann. 1060, 1064, 1065, 1071.*

30, 31 et 32. idem.

33. *An in quinquennio totam dioecesim ipse per se, aut per alium visitaverit iuxta cann. 343-346. An praeter loca et res, libros et archiva, personas quoque clericorum visitaverit, eos singillatim audiendo, ut cognoscat quae sit uniuscuiusque vitae ratio, quae confessionis frequentia etc. An inspexerit quoque quae habentur circa legatorum adimplementum et missarum manualium satisfactionem ac stipem, et an constiterit omnia ad legis normam procedere iuxta cann. 824-844. Et si abusus aliquos hac in re detexit, referat.*

Affirmative ad omnia. Abusus et defectus circa persolutionem missarum manualium apud aliquos paucos parochos et sacerdotes, praesertim post mortem detecti, meliori quo potui modo correxi et suplevi.

34. *Utrum et quomodo dioecesanam synodum celebraverit, et quando novissima synodus congregata fuerit. Cann. 356-362.*

Synodus dioecesana secunda celebrata fuit anno 1928.

35. *Si sit metropolitanus aut conferentiarum episcopalium praeses: an et quando concilium et quando conferentias convocaverit; quinam interfuerint; et quo fructu res cesserit. Cann. 283-*

292. *Ceteri Episcopi: an concilio provinciali, et conferentiis ipsi per se, aut saltem per procuratorem, interfuerint. Can. 287.*

Idem.

36. *Quomodo se habeat cum civili loci auctoritate; an episcopalis dignitas et iurisdictio sarta tecta ita semper servari potuerit, ut numquam, servilitate erga humanas potestates vel alio modo, detrimentum libertati et immunitati ecclesiae, aut dedecus statui ecclesiastico obvenerit.*

Idem. Post concordatum Austriacum auctoritas Episcopi aucta fuit omnino et gubernium civile omni quo poterat modo Ecclesiam adjuvabat.

Caput V.

De Curia dioecesana.

37. *Utrum Curia dioecesana aedes proprias, sufficientes et convenientes habeat; et si non, an et quomodo huic defectui consuli queat. Exhibeatur prospectus officialium Curiae episcopalis, adiectis iudicibus synodalibus, examinadoribus, parochis consultoribus, censoribus librorum aliisque peculiaribus administris. Can. 363 seqq.*

Affirmative et videatur elenchus adjacens.

38. *De qualitatibus et opere Vicarii generalis et aliorum praecipuorum ministrorum adumbratio aliqua fiat.*

39. *Quinam sint Curiae proventus sive ex taxis, sive ex multis pecuniariis, sive ex aliis titulis: et quomodo erogentur.*

38 et 39. Idem atque in relationibus prioribus.

Caput VI.

De Seminario.

40. *Si dioecesis seminario careat, quomodo consulatur pro comparandis sacerdotibus dioecesi necessariis. An studium sit seligendi bonae spei iuvenes, e dioecesi oriundos, ad clerum indigenam creandum; quo fructu et ubinam educentur. Can. 1353.*

Adest Seminarium minus et majus. Fere omnes alumni proveniunt ex ipsa dioecesi ita ut clerus habeatur indigena.

41. *Si seminarium adsit, referatur enucleate:*

a) *de numero et statu eorum qui externam disciplinam regunt, qui spiritualiter alumnos dirigunt, qui docent, qui discunt;*

b) *de statu aedium et rusticationis domus;*

c) *de redditibus et oneribus, hoc est de statu activo et passivo pii instituti;*

d) *de iis quae videantur necessaria ad meliorem Seminarii statum.*

De his enucleate relatum fuit in ultima relatione super Seminariis.

42. *Distinctumne sit seminarium in maius et minus iuxta can. 1354 § 2.*

Et si prudentia suaserit, aut dioecesis conditio exegerit, ut dumtaxat seminarium minus seu schola apostolica, uti vocant, constitueretur, dicatur ubinam maiores alumni educantur: num in seminario proprio provinciali, seu regionali, seu interdioecesano apostolica auctoritate constituto iuxta can. 1354 § 3. Et de eius statu adumbratio aliqua fiat.

Utique quoad seminarium minus et majus.

43. *An servatae sint regulae: can. 1356 circa tributum seminaristicum; can. 1357 circa visitationem alumnorum et regulas internas; cann. 1358, 1360, 1361 circa directionem disciplinarem, oeconomicam et spiritualem; can. 1359 circa deputatos; can. 1363 circa alumnos admittendos et excludendos; can. 1371 circa dimittendos aut expellendos; cann. 1364-1366 circa institutionem litterariam et scientificam, praesertim philosophiae et theologiae; can. 1367 circa pietatis exercitia; can. 1369 circa spiritum ecclesiasticum fovendum et urbanitatis leges tradendas.*

Idem. Tributum seminaristicum obligatorium est et a majori cleri parte solvitur.

44. *An Ordinarius curaverit ut aliquis alumnus pietate et ingenio praestans peculiaria Urbis collegia, vel universitates sive facultates a S. Sede in Urbe vel alibi probatas adiret, ut ibidem in studiis perficeretur iuxta can. 1380.*

Duo alumni in Collegio Germanico studiis philosophicis et theologicis incumbunt; unus sacerdos dioecesanus ultimo anno cursum in Instituto biblico Romae rite persolvit.

Caput VII.

De clero generatim

45. *An clerus generatim habeat quo honeste vivere possit. An pro senibus et infirmis domus aut saltem subsidia adsint quibus adiuvari possint.*

46. *An habeatur domus propria pro spiritualibus cleri exercitiis; an etiam quo poenitentes recipiantur.*

45. et 46. idem.

47. *Quo fructu Ordinarius curaverit ut clerici omnes ea adimpleant quae recensent: can. 125 circa sacramentalem confessionem et pietatis exercitia; can. 126 circa periodicum recessum ad spiritualia exercitia; can. 130 circa examina annualia novorum sacerdotum; cann. 131 et 448 circa conferentias cleri; can. 133 circa cohabitationem cum mulieribus; can. 134 circa communem clericorum vitam, praesertim vicariorum cooperatorum cum suo parochio, can. 476 § 5; can. 135 circa recitationem officii divini; can. 136 circa habitus ecclesiastici et tonsurae delationem; can. 811 circa vestis talaris delationem in missae celebratione; can. 137 circa fideiussiones cavendas; cann. 138-140, 142 circa abstinentiam ab omnibus quae statum ecclesiasticum dedecent, a theatris et spectaculis mundanis et a negotiorum saecularium gestione.*

Idem. Canon 136 et 811 aliquoties urgendi fuerunt. Canones 138 - 140, 142. Usus „motosicli” pro futuro generaliter non amplius permittitur – paucis casibus exceptis – quia diversi abusus et pericula contigerunt.

48. *An et quot clericis licentiam concesserit, de qua in can. 139 § 3, operam suam praestandi in arcis seu mensis nummulariis parsimonialibus, cooperativis, ruralibus, aut similibus: an ratione communis boni, deficientibus laicis, et ob utilitatem religionis id concesserit; et num adhuc hae concessionis causae perseverent; an mensae nummulariae, in quibus clerici opus aliquod agunt, honestate personarum et principiorum tales sint, ut non dedecet sacerdotem in iis partem habere; an in iisdem administratio ita recte geratur, ut omne absit decoctionis periculum, in quo sacerdotes convoluti maneant; et quomodo caverit de securitate huius notitiae; an denique qui hisce arcis applicati sunt a religiosa sacerdotalis vitae praxi deflexerint, et molestiam aliquam attulerint; et si ita sit, Ordinarius casus proponat et remedia suggerat.*

Nihil addendum prioribus relationibus nisi quod episcopus valde difficilis fuit in concedendi officiis et negotiis huiusmodi assumendis. Speciales abusus in hoc quinquennio non fuerunt deplorandi.

49. An clerus praestet eam quam can. 127 praescribit obedientiam et reverentiam erga Ordinarium suum, et erga Apostolicam Sedem; et si sint qui graviter deficiunt, eos Ordinarius denunciaret. Si adsit in dioecesi clerus diversi ritus et linguae, quaenam sit inter clericos caritas et quaenam Ordinario cura fuerit pro utrisque.

Nulla seria querela.

50. An generatim clerus officia obsequenter suscipiat, quae Ordinarius iuxta can. 128 eis committit; an habeantur, qui quamvis viribus polleant, otiosi tamen vivere malunt; si habeantur qui Universitates laicas frequentent, an hi servaverint ac servent leges a S. C. Consistoriali ad rem statutas; et si huiusmodi adsint, eos Ordinarius indicet.

Generatim clerus obsequenter huiusmodi officia suscipit. Aliquoties nonnulli praemature munera sua publica demittere conantur, praesertim si salaria exclusive a gubernio recipiunt, quibus conatibus pro viribus obsistere nititur.

Universitatem laicalem frequentant duo sacerdotes juniores, pro magisterio in seminario minori, ceteroquin indolis vere clericalis et ad amussim leges S. C. Consistorialis ad rem statutas observantes.

51. An adsint sacerdotes qui in diariis et libellis periodicis scribant vel ea moderentur; et qua facultate et utilitate id peragant. Can. 1386 § 1.

Idem.

52. An adsint de clero qui cum scandalo diaria et ephemerides vel libros legant quae dedecent; qui factionibus municipalibus vel politicis indebite se immisceant; qui ad statum saecularem redacti sint, aut per nefas ad illum sponte sua sint regressi. Cann. 211-214; et quid fiat ad horum malorum remedium.

Nihil dolendum. Ad statum saecularem nemo aut redactus aut sponte sua regressus est.

53. An et quo fructu aliquas ex poenis recensitis in can. 2298 Ordinarius irrogaverit, et casus graviores referat.

Quoad can. 2298, n. 2, 6 adsunt sacerdotes ex prioribus temporibus, qui aut totaliter aut cum restrictione ad certos casus interdicti sunt excipere confessiones.

Caput VIII.

De Capitulis.

54. Si desit Capitulum cathedrale, dicatur quot consultores dioecesani habeantur, et serventur circa ipsos quae cann. 424-428 statuunt.

—

55. Si adsit cathedrale Capitulum, dicatur quot dignitatibus et canonicis constet; adsintne officia canonici theologi et poenitentiarum et serventur ab ipsis quae cann. 398-401 iubent; habeantur alii beneficiati minores, et quot.

Sicut antea. Mortuo canonico theologo, proximo tempore novus substituetur canonicus theologus.

56. Exponatur quae sit dotatio Capituli seu beneficiatorum. In distributionum seu punctaturarum disciplina vigeantne et serventur regulae can. 395.

Idem sicuti antea.

57. *Si adsint canonicatus aut beneficia patronata, curaveritne Ordinarius, et quo fructu, ut patroni spiritualia suffragia loco iuris patronatus, aut saltem loco iuris praesentandi, acceptarent, iuxta can. 1451.*

In compluribus casibus parochi jus praesentandi ad parochias vacantes episcopo renuntiaverunt.

58. *Adsintne statuta iuxta cann. 410 et 416.*

Adsunt.

59. *Quot adsint canonici ad honorem; et serventur de ipsis regulae can. 406.*

Adsunt 6 canonici ad honorem.

60. *Sede episcopali vacante, quaenam vigeat ratio providendi dioecesis regimini; servatae fuit, ultima vacationis vice, disciplina quam cann. 429-443 praescribunt.*

Ultima vice vacationis sedis episcopalis anno 1915 servatae fuerunt leges ecclesiasticae tunc temporis vigentes.

61. *Dicatur aliquid de modo quo Capitulum sacras functiones peragit, quo se gerit erga suum Ordinarium, et de aliis quae ad eius bonum nomen pertinent.*

Idem sicut antea.

62. *Si adsint in dioecesi Capitula, praesertim insignia, vel Communiae cleri ad modum Capitulorum, Ordinarius de iis referat analoge ad ea quae pro cathedrali Capitulo sunt requisita.*

Non adsunt.

Caput IX.

De Vicariis foraneis et parochis.

63. *Referatur an Vicarii foranei adimpleant diligenter ea omnia quae can. 447 praescribit de vigilantia in ecclesiasticos viros sui ambitus seu districtus, de cura ut canonicae leges et decreta Ordinarii observentur, de aliisque; an paroecias juxta normas ab Ordinario datas visitent; et an quotannis rationem reddant Ordinario de statu sui vicariatus iuxta can. 449.*

64. *An paroeciae omnes de suo proprio pastore sint provisae; et serventur lex a can. 460 lata de uno dumtaxat pastore in unaquaque paroecia habendo, reprobata qualibet consuetudine et revocato quolibet privilegio.*

63 et 64. Quoad omnia affirmative.

65. *An adsint paroeciae amovibiles, quot, et qua de causa. An et quot unitae Capitulis sive cathedrali, sive collegiatis, domui religiosae, aut alii morali personae: et in hoc casu utrum serventur leges de vicario curato constituendo cum libero exercitio animarum curae iuxta statuta in cann. 415, 471 et 609 § 1. Et si religiosus sit parochus, an sarta tectaue sint quae Cann. 630, 631 hac de re praescribunt.*

Idem status qui antea.

66. *An et quot adsint patronatui obnoxiae; an et quo fructu cura fuerit Ordinario ut patroni spiritualia suffragia loco iuris patronatus aut saltem loco iuris praesentandi acceptarent iuxta can. 1451; sin minus, an in praesentatione servatae sint leges a cann. 1457 seqq. latae, ac maxime a can. 1452 in casu electionis seu praesentationis popularis.*

Idem status qui antea.

67. *An provisio paroeciarum quae sunt liberae collationis fiat per concursum, et qua ratione concursus celebretur. Can. 455 seqq.*

68. *Quibus redditibus parochi vivant, an ex immobilibus, ex publico foenore vel aerario, an ex incertis stolae, et fidelium vel dioecesis contributione. An commode generatim vivant, et an adsint qui egestate laborant. An domo propria paroeciali, saltem conducta eaque sufficienti, generatim instructi sint; et si non, an studium sit et probabilitas ut ea instrui valeant.*

69. *An parochi generatim satisfaciant iis quae praescribunt: can. 463 § 4 circa gratuitum ministerium praestandum iis qui solvendo pares non sunt; can. 465 circa residentiam; can. 466 circa applicationem missae pro populo; can. 467 circa sacramentorum administrationem et animarum salutis zelum; can. 468 circa infirmorum curam; can. 469 circa vigilantiam ne errores contra fidem et vitia subrepant et circa opera caritatis, fidei et pietatis in paroecia instituenda et fovenda; can. 470 circa paroeciales libros recte conficiendos; circa exemplaria tradenda quotannis Curiae episcopali; can. 785 circa sacra olea a parochis loco decenti ac tuto custodienda.*

70. *Circa baptismum: an quaelibet ecclesia parochialis sacro fonte sit instructa iuxta can. 774, et quoties infantes sine periculo aut gravi incommodo ad paroecialem transferri nequeant, an parochus ad proximiorum ecclesiam vel publicum oratorium pro sacramento ministrando ultro libenterque accedat iuxta can. 775.*

71. *Circa SSmam Eucharistiam: an parochis cura sit studiumque indefessum ut, iuxta can. 863, fideles saepius et etiam quotidie pane Eucharistico reficiantur; ut iuxta can. 865 infirmi, dum plene sunt sui compotes, S. Viaticum suscipiant; ut iuxta cann. 1273, 1274 et 1275 cultus SSmi Sacramenti augeatur, excitando fideles ad quotidianam missae adsistentiam, ad visitationem serotinam peragenda, exponendo stans temporibus SSmam Eucharistiam, aliaque utilia peragendo; ut iuxta can. 854, servata quidem parentibus et confessariis debita libertate ad iudicandum de sufficienti puerorum dispositione ad primam communionem, iidem parentes ne negligent officium suum, et alii abusus ne subrepant.*

72. *Circa extremam unctionem: an parochis cura sit, ut hoc sacramentum ab infirmis recipiatur dum sui plene compotes sunt.*

73. *Circa matrimonii celebrationem: an parochis omnibus cura sit diligens observandi quae praescripta sunt in Codice lib. III, tit. VII, circa libertatem status, impedimentorum dispensationem, sacros ritus, et adnotationem matrimonii.*

74. *Circa catechesim: an ab omnibus parochis diligenter serventur quae praescribit can. 1330 circa peculiarem catechismum pro prima confessione et communionem et pro confirmatione puerorum; et cann. 1331-1336 de catechismo diebus festis impartiendo tum pueris tum adultis.*

75. *Circa evangelii explanationem: an ab omnibus lex servetur can. 1344; circa sacras conciones: an stans quibusdam temporibus sacrae conciones frequentius habeantur ad normam can. 1346, et sacrae missiones locum habeant iuxta can. 1349.*

76. *An vicarii cooperatores aliique animarum curatores suis officiis laudabiliter fungantur iuxta can. 473 seqq.*

67 – 76. Nihil immutatum fuit et nihil peculiariter dolendum ex ultima relatione; imo circa nonnulla puncta potius progressus quidam observari potuit.

Caput X.

De religiosis.

77. *An Ordinarius sive per se, sive per alium, quinquennalem visitationem domorum religiosarum peregerit iuxta cann. 512, 513: et quae notabilia adnotanda habeat.*
Idem.

78. *Utrum religiosi, sive viri, sive mulieres, vitam communem ducant; an sint qui habitent soli, vel in domibus privatis cum saecularibus, et quo iure; quae sit in utroque casu eorum fama; quatenus pro dioecesi utilitas; an catechismus tradant, si Ordinarius requisierit iuxta can. 1334; quo habitu incedant.*

Duo religiosi Ordinis S. Benedicti ex finitima dioecesi S. Hippolyti soli habitant in domo privata, licentia Abbatis respectivi praehabita, nullum scandalum praebentes.

Fama religiosorum in communi viventium generaliter est bona, paucis exceptis, uti in quavis communitate contingere solet, et circa quos jam P. Provinciam respectivam certiore feci.

79. *Si quaestuant adsint, sive viri, sive mulieres, an canonicae praescriptiones cann. 621, 622, 624 servaverint: an aliquod inconveniens acciderit, vel aliquid sit de hac re animadvertendum.*

Eaedem querelae atque in ultima relatione saepe moventur quoad religiosos et religiosas quaestuant et sub praetextibus variis normas respectivas S. C. negligentes et laedentes.

80. *Si congregatio aliqua dioecesani iuris, vel societas sive virorum sive mulierum in communi sine votis viventium habeatur, Ordinarius de ea, aut de eis, nomen dicat, finem, sodalium numerum, utilitatem, et si quae alia observanda habeat.*

81. *Referat Ordinarius an aliquod offendiculum cum religiosis habeat in suae iurisdictionis exercitio.*

82. *Si adsint religiosi viri ordinibus sacris iam initiati, qui exlastrati, saecularizati aut dimissi a religione fuerint, referat Ordinarius quid de ipsis dicendum iuxta cann. 639, 640, 669 seqq.*

80 – 82. Non habentur.

83. *De religiosis mulieribus in specie Ordinarius referat:*

a) *an observentur canonicae leges circa admissionem ad novitium, professionem, clausuram, confessarios ac bonorum temporalium administrationem iuxta cann. 512, 513, 520-527, 533-535, 547, 549, 550, 552, 600-605;*

b) *si quae monasteria monialium superioribus regularibus sint subiecta, an in casibus a iure statutis Ordinario subdantur iuxta cann. 500 § 2 et 615;*

c) *quae vitae activae sunt quibus diversis operibus se addicant, et quo fructu;*

d) *si sint quae infirmis in privatis domibus adsistant, aut rem domesticam in nosocomiiis, Seminariis vel similibus virorum domibus gerant, an cautum sit a periculis quae in his adiunctis obversantur, et an aliquid habeatur deplorandum.*

a) Generaliter omnia rite observantur. In uno solo casu Superiorissa generalis cujusdam Congregationis, nimis credula, diversis pollicitationibus cujusdam mulieris laicae decepta fuit, ita ut bona temporalia damnum haud leve passa fuerint; super quo delicto ab Ordinario vehementer correpta et ad normas ecclesiasticas strictae observandas denuo obligata fuit.

- b) non adsunt;
- c) se addicunt scholis publicis, operibus caritatis, educationi orphanorum et periclitantium, necnon juventutis christianae generatim.
- d) Generaliter nihil deplorandum; rarissime aliquod inconueniens detectum et sine mora remotum fuit.

Caput XI.

De populo fideli.

84. *Dicatur quinam sint generatim populi mores: quaenam vita christiana privata in familiis: quaenam publica in oppidis et civitatibus: an in externis pompis et solemnitatibus magis consistat, quam in vero pietatis spiritu. Et si sint differentiae notabiles unius loci ab alio, indicentur. Quid fiat ut christianae vitae professio, si paululum defecit aut a recta via declinavit, sensim reducatur.*

85. *Qua reverentia clericos, et maxime Episcopum et S. Pontificem, populus prosequatur. Can. 119.*

86. *Quae sit observantia: can. 1248 circa praeceptum audiendi sacrum et abstinendi ab operibus servilibus diebus festis; cann. 1252, 1254 circa abstinentiam et ieiunium; can. 770 circa sollicitam baptismi collationem infantibus; can. 859 circa communionem paschalem: quot sint ex viris et ex mulieribus qui, cum sint professione catholici, nihilominus eam negligunt, facta proportione pro singulis centenibus fidelium; can. 863 circa frequentem communionem; cann. 865 et 944 circa extrema sacramenta: an sint inter eos qui catholici censentur, qui haec sacramenta differunt, negligunt aut etiam recusant: et dicatur eorum numerus, habita proportione pro centenibus; cann. 1203, 1239 seqq. circa cremationis reprobationem et funera: dicatur, servata proportione ut supra, quot ex iis qui catholici dicuntur funeribus mere civilibus seu irreligiosis sepeliantur: an id contigat ex nimietate taxarum stolae, an ex alia causa.*

87. *Circa matrimonium: an matrimonia mere civilia, concubinatus et divortia habeantur, et qua proportione; an vitia contra sanctitatem matrimonii irrepperint; quid fiat ut haec mala removeantur.*

88. *Ubi catholici cum acatholicis mixti sunt, et mixta matrimonia habentur, dicatur numerus horum matrimoniorum tum absolutus tum relativus ad matrimonia non mixta: quaenam exinde detrimenta religioni proveniant: an servantur ab his contrahentibus clausulae can. 1061.*

89. *De christiana educatione prolis: quomodo generatim parentes et qui loco parentum sunt, in sinu familiae satisfaciant gravissimae huic obligationi, de qua cann. 1113 et 1372: et quae cura sit ne ab hoc officio fideles deficiant.*

90. *De scholis: an in publicis scholis, praesertim elementaribus, servetur praescriptum can. 1373 de institutione religiosa puerorum. Et si non, qualibet de causa; an cura sit fidelibus et clero instituendi pro catholicis pueris scholas confessionales, eosque avertendi a scholis acatholicis, neutris, mixtis, iuxta can. 1374.*

91. *De conditione et statu scholarum confessionalium, praesertim elementarium, enucleate referatur: quomodo sustententur, a quot alumnis frequententur, qualique profectu. Et si scholae confessionales institui non potuerint, indicetur causa: et dicatur, an per varia opera-*

post-scholaria, hoc est oratoria festiva, Congregationes Marianas, scholas catechisticas, aliisve modis, cautum pro viribus sit praeservationi puerorum et puellarum.

92. *De religiosis et piis laicorum associationibus; an adsint in dioecesi tertii Ordines saeculares, et confraternitates, illae praesertim Ssmi Sacramenti et Christianae doctrinae, aliaeque piae uniones potissimum pro iuvenibus: quo numero et quo religionis profectu.*

93. *An hae associationes servant omnes praescripta: can. 690 de subiectione erga Ordinarium; can. 691 de administrationis modo.*

94. *An adsint inter catholicos associationes illae, quae sociales vocantur, agricolarum, operariorum, mulierum in hunc vel alium caritativum finem, vel mutuuum subsidium; an asyla pro infantibus, patronatus pro iuvenibus, pro emigrantibus etc., circuli pro iuventute, laboratoria pro artificibus, vel pro puellis etc.: quo spiritu agantur: an directioni et moderationi Ordinarii et Apostolicae Sedis dociliter subsint: quaenam beneficia sive moralia sive temporalia praestent.*

95. *An cura sit ut qui hisce associationibus sive religiosis et piis, sive socialibus adscripti sunt, in fidei doctrina instituantur et christianam vitam ducant.*

96. *An et qua diffusionem ephemerides vel diaria obscoena, irreligiosa, modernistica vel liberalia dioecesim pervadant: an libri quoque huius generis diffusi sint; quid fiat ad tantum malum coercendum et quo fructu.*

97. *An massonicae sectae addicti, vel etiam massonicae tabernae in dioecesi habeantur: quanta et quali activitate operam adversus religionem moliantur; quid fiat ad occurrendum huic malo.*

98. *An socialismi societates habeantur: quot numero, quanti momenti et quali religionis noxa: et quid fiat ad hanc avertendam.*

99. *Utrum in exercitio iurium politicorum et civilium fideles catholici religionis bono et ecclesiae libertati pro viribus consulant.*

Quoad hoc caput generaliter valent ea quae dicta fuerunt in priori relatione, saltem usque ad diem 11. februarii 1938 i. e. novae conditionis politicae regiminis sic dicti „nationalis-socialistici”.

Quae sit futura sors et conditio ecclesiae, edocebunt eventus temporum.

CAPUT XII.

Iudicium syntheticum Ordinarii circa dioecesis statum.

100. *Denique Ordinarius, omnibus in universum complexis, dicat, praesertim in prima sua relatione, quid actu sentiat de materiali et morali conditione dioecesis, quae spes melioris status affulgeat, quaenam maiora discrimina immineant.*

In sequentibus vero relationibus addat, quomodo et quo fructu ad effectum perduxerit monita et mandata, si quae S. Congregatio in sua responsione ad praecedentem relationem significaverit: et utrum progressus, regressus, an potius idem ferme persistens status in rebus fidei et morum haberi videatur in dioecesi: et quaenam de eo censeantur causae.

Quare etiam iudicium syntheticum circa dioecesis statum tempore quo haec relatio exhibetur, est omnino impossibile.

Lincii, die 31. Martii 1938.

+ Joannes Maria
Episcopus Linciensis
(Austria)

<u>Religio (seu ordo vel institutum religiosum)</u>	<u>Domus</u>	<u>Sacerdotes</u>	<u>Clerici</u>
Canonici Regulares Lateranenses	2	102	29
Ordo Praemonstratensis	1	34	6
Ordo S. Benedicti (Congr. Austriaca)	2	93	26
Ordo Cisterciensis	2	74	25
Ordo Cisterc. Reform. (strictioris observantiae)	1	22	7
Ordo Fratrum Minorum	7	33	-
Ordo Fratrum Min. Cappucinatorum	4	30	1
Ordo sanctae Trinitatis redempt. captivorum	1	1	-
Ordo Hospitalarius S. Joannis de Deo	3	3	-
Ordo Fratrum Carmelitarum discalceatorum	1	11	9
Societas Jesu	3	31	2
Congregatio Smi. Redemptoris	1	11	-
Societas Mariae	8	6	-
Societas S. Francisci Sal.	1	5	2
Institutum Oblatorum S. Francisci Sal.	1	5	2
Societas Verbi Divini	1	4	-
Societas Divini Salvatoris	1	5	-
Societas Missionariorum de Mariannahill	1	4	-
Institutum Fratrum scholarum christianarum	1	-	-

Elenchus religionum mulierum

<u>[Institutum religiosum]</u>	<u>Domus</u>	<u>religiosae</u>
Moniales S. Ursulae U. rom.	2	64
Moniales S. Elisabeth .	1	56
Moniales Ordinis Carmelitarum discalc.	2	48
Moniales Visitationis B. M. V.	1	33
Moniales Congr. Smi. Redemptoris	1	36
Moniales Caritatis Boni Pastoris	1	58
Sorores Caritatis de S. Vincentio a Paulo	25	454
Sorores Caritatis S. Caroli Borrom.	15	173
Sorores Caritatis de S. Cruce	109	887
Sorores scholar III. Ord.. S. Fr. de Voecklabruck	60	869
Sorores schol. S. Augustini	2	6
Sorores schol. III. O. S. Fr. de Hallein	1	4
Sorores III. Ord. B. M. V. de Monte Carmelo	43	289

Sorores oblatae S. Francisci Salesii	1	25
Sorores Congr. Filiarum Divini Salvatoris	1	4
Sorores III. Ord. S. Fr. a Caritate christiana	1	6
Sorores III. Ord. S. Dominici	1	4
Filiae Mariae de Auxilio christianorum.	1	7

Prospectus de Curia dioecesana.

(Caput V, 57).

Officiales Curiae episcopalis:

Vicarius generalis (insimul et cancellarius) – Assessor et Referens curiae episcopalis (duo canonici) – director cancellariae (sacerdos saecularis) – 3 secretarii episcopales, quorum unus praeest „Actioni catholicae” – consilium administrationis (2 sacerdotes saeculares) – registrator (sac. saec.) – tres administri laici.

Judices synodales et prosynodales 12 rite electi.

Parochi consultores 4 rite electi.

Curia dioecesana judicialis: Officialis – 2 vice-officiales – 11 iudices synodales et prosynodales – promotor iustitiae – 3 defensores vinculi matrimonii et sacrae ordinationis – 5 notarii ecclesiastici – 2 advocati et procuratores ex Officio (clerici).

Custos librorum in singulis casibus pro materia librorum constituitur.

Prospectus officialium Curiae episcopalis.

Judices synodales:

RR. DD. Oberchristl Florianus, Can. scholast. Cap. Cath. Lincien.

RR. DD. Angerbauer Carolus, Can. Cap. Cath. Lincien.

RR. DD. Blasl Vincentius, Can. Cap. Cath. Lincien.

RR. DD. Schoefer Carolus, Decanus Cap. Cath. Lincien.

RR. DD. Zierer Josephus, Can. Cap. Cath. Lincien.. et parochus. Eccl. Cath.

R. D.Dr. Grosam Josephus, Prof. theol. moralis in Sem. Majori Lincien.

R. D. Mayrhofer Leopoldus, parochus emerit. Lincien..

R. D. Dr. Weilbold Aloysius, Prof. in Sem. Majori Lincien.

Prosynodales Iudices;

R. D. Dr. Eder Carolus, Prof. in Sem. Majori Lincien.

R. D. Dr. Fliesser Josephus Cal., Prof. jur. can. in Sem. Majori Lincien.

R. D. Fliher Antonius, Prof. in Paedagogio episcopali Lincien.

R. D. Gruber Aloysius, parochus in Doernbach prope Linz

R. D. Dr. Obemhumer, Prof. in Sem. Majori Lincien.

R. D. Strassmayr Franciscus, Catecheta Lincii.

Examinatores synodales:

RR. DD. Schoefer Carolus, Decanus Cap. Cath. Lincien..

RR. DD. Oberchristl Florianus, Can. Scholast. Cap. Cath. Lincien.

RR. DD. Blasl Vincentius, Can. Cath. Cap. Lincien.

RR. DD. Angerbauer Carolus, Can. Cap. Cath. Lincien..

R. D.Dr. Fruhstorfer Carolus, Decanus professorum Seminarii Majoris Lincien.

RR. DD. Dr. Grosam Wenceslaus, Rector Seminarii Majoris Lincien.

R. D. Dr. Grosam Josephus, Prof. in Sem. Majori Lincien.

Examinatores prosynodales:

RR. DD. Zierer Josephus, Can. Cap. Cath. Lincien.

RR. DD. Lugstein Josephus, Can. Cap. Cath. Lincien.

R. D. Dr. Fliesser Josephus, Prof. jur. can. in Sem. Majori Lincien.

R. D. Dr. Obemhumer Joannes Prof. in Seminario Majori Lincien.

Parochi consultores:

RR. DD. Baischer Engelbertus, Praepositus in Mattighofen
R. D. Birgmann Josephus, Decanus foran. et Parochus civitatis Wels
R. D. Poeschl Josephus, Decanus foran. et parochus Peilstein

Alii peculiare administri:

RR. DD. Mons. Kolda Josephus, Praepositus Cap. Cath. Vicarius Generalis
RR. DD. Schoeucker Carolus, Decanus Cap. Cath. Assessor
RR. DD. Lugstein Josephus, Can. Cap. Cath. Referendarius et administr. Mensae eppalis.
R. D. Spiesberger Ferdinandus, Director Cancellariae
R. D. Dr. Fliesser Josephus, Secretarius Curiae
R. D. Hackl Franciscus, Secretarius Curiae
R. D. Singer Franciscus, Secretarius eppalis

R. D. Binder Guillelmus, Referentarius
R. D. Fueglister Carolus, Secretarius
R. D. Webinger Franciscus, Registrator
D. Hoezl Franciscus, revisor rationum
D. Peer Josephus Cal., scriptor Cancellariae
D. Wielandner Franciscus, expeditor.

Censores librorum pro casibus singulis ab Rev.mo Episcopo eliguntur et determinantur.

Collegium examiatorum quoad scientiam professorum

1) in gymnasiis: R. D. Mons. Dr. Fruhstorfer Carolus, Decanus prof. s. theol.
R. D. Hochaschboeck Joannes, Prof. s. theol.
R. D. Dr. Obernhumer Joannes, Prof: s. theol.
R. D. Dr. Weilbold Aloysius, Prof. s. theol.
R. D. Dr. Grosam Josephus, Prof. s. theol.
R. D. Dr. Eder Carolus, Prof. s. theol.
R. D. Dr. Spiesberger Ferdinandus, Prof. s. theol.
R. D. Huber Josephus, rector spiritualis Sem. Majoris
2) in scholis element. sup.: R. D. Dr. Grosam Josephus, Prof. s. theol.
R. D. Dr. Lehner Franciscus, Prof. in Sem. min.
R. D. Dr. Eder Carolus, Prof. s. theol.
R. D. Dr. Spiesberger Ferd., Prof. s. theol.

Consillum pro disciplina artium:

RR. DD. Schoeucker Carolus, Decanus Cap. Cath. Lincien. Praeses
R. D. Dr. Fliesser Josephus, Secretarius Curiae eppalis
R. D. Dr. Eibelhuber Franciscus, Regens Seminarii Min. Lincien.
D. Feichtlbauer Joannes, Architectus
D. Gangl Fredericus, Architectus
D. Ing. Hable Oscarus, Commissarius sac. architecturae
D. Dr. Hainisch Ervritius, Conservator publicus artium
D. Lorenz Eduardus, Professor emerit.
R. D. Mayrhofer Leopoldus, parochus emerit.
R. D. P. Reisinger Amadeus Ord. Cist., Custos Abbatiae Hilarien.

Conservatores artium dioecesis:

R. D. Dr. Baylaender Henricus, Professor gymnasii in Freistadt
R. D. Dr. Schneidergruber, Can. reg. lat., Dec. et Prof. Canoniae S. Florian
R. D. P. Stoeckmueller Josephus, O.Cist., Vic. Coop. in Kirchdorf
R. D. Goeschlberger Carolus, parochus in Nussdorf
R. D. P. Dr. Werner Constantinus O.S.B. Professor gymnasii in Kremsmünster

Commissio dioecesana pro musica sacra:

RR. DD. Schoeffer Carolus, Decanus Cap. Cath. Lincien.
R. D. Mueller Franciscus, Can. Reg. lat. Regens chori Eccl. Cath. Lincien.
D. Daxsperger Ludovicus, Prof. Organista Ecclesiae Cath. Lincien.
R. D. Feyrer Beno, O.S.B. Professor gymnasii in Kremsmuenster
Karlinger Josephus R. D. parochus in Zell ad Pram
R. D. Peterlechner Franciscus, parochus in Moerschwang
R. D. Riegl Antonius, Professor emerit.
Schwinn Joannes R. D., parochus in Peterskirchen.